

Communicaziun da la regenza, chanzlia chantunala dal Grischun, 7000 Cuir

Terms impurtants sin la via als gieus olimpics d'enviern 2022 en il Grischun

Zercladur / settember 2010	Dumonda dal cusseglier naziunal Tarzisius Caviezel concernent gieus olimpics d'enviern en Svizra resp. resposta dal cussegl federal a questa intervenziun
December 2011	Fundaziun da l'uniun "XXIV. Gieus olimpics d'enviern Grischun 2022"
24 da matg 2012	Decisiun unanima dal parlament da sport (delegadas e delegads da las 83 associaziuns commembras da Swiss olympic) che la Svizra duai candidar per ils gieus olimpics d'enviern 2022, sut la premissa che las decisiuns politicas pendentas sin plaun federal, chantunal e communal vegnian prendidas a favur dals gieus olimpics
Settember 2012	Decisiun da princip dal cussegl federal d'elavurar ina missiva da candidatura per mauns da las chombras federalas. Questa missiva sto mussar la realisabladad dal project, fixar la repartiziun dals custs da candidatura e reglar la procedura per sclerir las modalitads da finanziaziun, en cas ch'il IOC attribuiss la realisaziun dals gieus olimpics d'enviern 2022
December 2012	La missiva concernent ils gieus olimpics d'enviern 2022 en il Grischun vegn tractada en il cussegl grond
3 da mars 2013	Votaziun dal pievel en il Grischun, decisiun da princip concernent la realisaziun dals gieus olimpics d'enviern 2022 Eventualmain votaziuns communalas supplementaras a San Murezzan ed a Tavau
Mars / zercladur 2013	L'emprima resp. la segunda chombra dal parlament federal tracta la missiva concernent la contribuziun federala per organisar ils gieus olimpics d'enviern 2022. Tge chombra che tracta sco emprima la missiva (cussegl naziunal u cussegl dals chantuns), n'è betg anc fixà
Settember 2013	Swiss olympic ed il lieu ospitant San Murezzan ("host city") annunzian la candidatura al IOC en il rom d'ina declaraziun d'intenziun ("letter of intent")
1. quartal 2014	Inoltraziun da l'emprim dossier da candidatura ("mini bid book") al IOC cun inditgar las garantias finanzialas da vart da la confederaziun
4. quartal 2014	Decisiun dal IOC concernent l'admissiun a la candidatura. Acquist dal status d'in lieu candidat ("candidate city") e permissiun da duvrar ils rintgs olimpics en la cumparsa
Zercladur 2015	Visita d'evaluaziun dal IOC al lieu e surdada dals gieus olimpics d'enviern 2022 tras la radunanza plenara dal IOC